

Headline	PECIPTA pameran 506 produk inovasi		
MediaTitle	Berita Harian		
Date	12 Oct 2013	Language	Malay
Circulation	192,982	Readership	1,521,000
Section	Nasional	Color	Full Color
Page No	26	ArticleSize	259 cm ²
AdValue	RM 8,769	PR Value	RM 26,306



Kamalanathan (tengah) bersama Kamarudin (kanan) melawat pameran pada **Prapelancaran PECIPTA 2013** di Sri Pentas, Bandar Utama, semalam.

[FOTO SALHANI IBRAHIM/BH]

PECIPTA pameran 506 produk inovasi

» *Kreativiti pelajar 25 IPT dipamer bermula 7 November*

Oleh Norrasyidah Arshad
norrasyidah@bh.com.my

► **Kuala Lumpur**

Sebanyak 506 produk hasil inovasi pelajar daripada 25 institusi pengajian tinggi awam dan swasta dalam serta luar negara, akan dipamerkan di Pusat Konvensyen Kuala Lumpur, mulai 7 hingga 9 November depan.

Selain Malaysia, pameran inovasi sempena Persidangan dan Ekspo Ciptaan Institusi Pengajian Tinggi Antarabangsa (PE-

CIPTA) 2013 itu turut disertai pelajar Turki, Mesir, Indonesia, Korea Selatan dan Taiwan.

Timbalan Menteri Pendidikan II, P Kamalanathan, berkata PECIPTA kali ketujuh itu dianjurkan secara kerjasama oleh Universiti Utara Malaysia (UUM), Universiti Malaysia Perlis (UniMAP) dan Kementerian Pendidikan, menggunakan tema 'Mentransformasikan Penyelidikan dan Inovasi ke arah Pengkomersialan.'

Peserta luar negara

"Kita yakin, dalam tempoh baki masa yang masih ada, penganjur akan terus berusaha menarik penyertaan negara luar terutama sekitar ASEAN," katanya ketika berucap pada Prapelancaran PECIPTA 2013 di Sri Pentas, semalam.

Turut hadir, Pengarah Urusan Kumpulan Media

Prima, Datuk Amrin Awaluddin; Naib Canselor UniMAP, Prof Datuk Dr Kamarudin Hussin dan Timbalan Naib Canselor UUM, Prof Dr Abdul Razak Salleh.

Mengulas lanjut, Kamalanathan berkata, produk yang akan dipamerkan merangkumi bidang kesihatan serta farmasi, pengkomputeran dan komunikasi, pendidikan, elektronik, pertanian dan alam sekitar serta teknologi hijau.

"Upacara menandatangani memorandum persefahaman serta perjanjian antara IPT dengan pihak industri juga akan diadakan ketika persidangan tiga hari itu berlangsung," katanya.

Sementara itu, Kamarudin berkata, dari jumlah produk itu, 18 sudah dipatenkan, manakala 11 lagi sudah menjalin persefahaman dengan industri.